



Verklagsreglur um starfsemi leikskóla Akraneskaupstaðar

1. Innritun

- 1.1. Umsóknareyðublöð um leikskóladvöl, breytingu á dvalartíma og flutning milli leikskóla má finna á þjónustugátt Akraneskaupstaðar www.akranes.is. Í umsóknum skal gerð grein fyrir þeim dvalartíma sem óskað er eftir fyrir barnið.
- 1.2. Sækja má um leikskóla frá fæðingardegi barns eða strax og kennitala hefur verið skráð.
- 1.3. Skilyrði fyrir leikskóladvöl er að barn eigi lögheimili á Akranesi. Þeir sem tekið hafa ákvörðun um að flytja á Akranes geta sótt um leikskóla þremur mánuðum fyrir flutning, barn getur verið á biðlista en plássi er ekki úthlutað fyrr en lögheimilisskráning hefur átt sér stað. Verði ekki af flutningi innan þessa tíma fellur umsóknin niður.
- 1.4. Barn getur innritast í leikskóla á því ári sem það verður tveggja ára. Aðalinnritunardagur leikskóla er að vori og auglýstur á heimasíðu Akraneskaupstaðar. Við innritun er horft til aldurs barns þannig að eldri börn hafa forgang umfram yngri. Leitast er við að systkini séu í sama leikskóla. Inntaka í leikskólaskóla fer að jafnaði fram að loknu sumarleyfi leikskólanna.
- 1.5. Sækja skal um einn leikskóla sem aðalumsókn og allt að two til vara. Foreldrar fá staðfestingu um að umsókn hafi verið móttokin.
- 1.6. Forgang í leikskóla eiga börn sem að mati sérfræðinga hafa þörf fyrir leikskóladvöl. Umsóknir um forgang eru teknar fyrir á fundi með skólabjónustu. Beiðni um forgang þarf að fylgja bréf frá sérfræðingum eða læknisvottorð.
- 1.7. Ef foreldrar óska eftir flutningi milli leikskóla eftir að leikskólaganga hefst, ber að fylla út nýja umsókn í þjónustugátt og gilda þá sömu reglur og með aðrar umsóknir.
- 1.8. Ef óskað er eftir breytingu á umsömdum dvalartíma skal ósk þar um berast til leikskólastjóra með 15 daga fyrirvara og miðast við mánaðamót. Umsókn um breytingu á vistunartíma er að finna í þjónustugátt. Breyting á vistunartíma skal gilda eigi skemur en þrjá mánuði.
- 1.9. Gagnkvæmur skriflegur uppsagnarrestur á dvalarsamningi er einn mánuður hið minnsta og miðast við mánaðamót. Leikskólastjórar afhenda eyðublaðið.

2. Undantekning frá kröfu um lögheimili á Akranesi

- 2.1. Foreldrar barna sem eru tímabundið án kennitölu og lögheimilis eða þau skráð utangarðs í þjóðskrá geta sótt um leikskólapláss á Akranesi. Það er skilyrði að foreldrar og barn séu meðfasta búsetu á Akranesi skv. skilgreiningu laga um lögheimili nr. 21/1990, og að gera megi ráð fyrir, að lögheimili þegar það er fengið, verði á Akranesi. Umsókn um undanþágu skal að jafnaði senda á netfangið skoliogfristund@akranes.is. Farið er fram á staðfestingu um búsetu á Akranesi með eftirfarandi gögnum: Ríkisborgarar EES og EFTA ríkja og útlendingar sem heimilt er að dvelja á Íslandi án dvalarleyfis skv. lögum um útlendinga nr. 80/2016, þurfa að leggja fram staðfestingu á beiðni um skráningu lögheimilis á Akranesi.
- 2.2. Fjölskyldur íslenskra ríkisborgara með erlent lögheimili, sem dvelja tímabundið á Akranesi við nám eða störf geta sótt um leikskólapláss, framvísa þarf skólavottorði þar sem við á. Í þeim



Akraneskaupstaður

tilfellum er úthlutun leikskólapláss háð því að aðstæður í leikskólum séu með þeim hætti að unnt sé að taka við börnum tímabundið. Börn sem dvelja tímabundið á Akranesi en eiga lögheimili annars staðar en á Akranesi s.s. barnavernd vegna barna með lögheimili utan Akranes sem ráðstafað er tímabundið á fósturheimili á Akranesi geta sótt um leikskólapláss á Akranesi. Í þeim tilfellum skal samþykki lögheimilissveitarfélags um að greiða Akraneskaupstað hlut sveitarfélagsins í leikskólakostnaði liggja fyrir áður en leikskóladvöl hefst. Umsóknir skulu sendar á netfangið skoliogfristund@akranes.is og auk staðfestingar lögheimilissveitarfélags um samþykki greiðslu.

3. Dvalartími

- 3.1. Leikskólarnir eru opnir frá kl. 07:30 til kl. 16:30. Dvalartími barns er skipulagður í samráði við leikskólastjóra og foreldra. Leikskólarnir bjóða upp á dvalartíma til kl. 17:00 ef foreldrar þriggja barna eða fleiri óska eftir dvöl á þeim tíma. Ef dvalartími barns er umfram 8 klukkustundir er heimilt að kaupa 15 mínútur. Kaup á dvalartíma innan átta tímana miðast við heila og hálfá klukkustundir.
- 3.2. Leikskólarnir Vallarsel og Akrasel bjóða upp á dvalartíma frá kl. 06:45 ef foreldrar þriggja barna eða fleiri óska eftir dvöl á þeim tíma. Beiðni þar um skal liggja fyrir í byrjun skólaárs. Greitt er 20% álag fyrir þennan tíma sem leggst á dvalargjaldið frá 6:45-7:30. Stefnt skal að því að daglegur dvalartími barns verði ekki lengri en 9 klst.
- 3.3. Barn í leikskóla skal taka 4 vikna samfellt sumarleyfi ár hvert. Óski foreldrar eftir því að taka lengra sumarleyfi en 4 vikur eða taka það á öðrum tíma en í tengslum við sumarlokun leikskóla, skal fella niður fæðisgjald ef um er að ræða tvær vikur eða lengri fjarvistir samfellt. Ef foreldrar taka samfelldar 5 vikur í sumarleyfi fellur niður fæðis- og dvalargjald.
- 3.4. Leikskólarnir loka fimm daga á ári vegna skipulags- og fræðsludaga. Þeir dagar skulu vera valdir með tilliti til skipulagsdaga í grunnskólunum eða þegar grunnskólanemendur sækja ekki skóla. Leikskólagjald er ekki fellt niður vegna þessara daga.

4. Gjaldskrá

- 4.1. Gjaldskrá leikskóla er endurskoðuð a.m.k. einu sinni á ári og tekur bæjarstjórn ákvörðun um breytingar á henni. Akraneskaupstaður greiðir að stærstum hluta kostnaðar við dvöl barna í leikskólum Akraneskaupstaðar.
- 4.2. Til að njóta systkinaafsláttar er skilyrði að systkini séu skráð með sama lögheimili og fjölskyldunúmer í þjóðskrá. Yngsta barn greiðir fullt gjald og síðan reiknast afsláttur koll af kolli. Afsláttur vegna systkina er 50% vegna annars systkinis og 75% vegna þriðja og fjórða systkinis og nær til dvalargjalds. Ekki reiknast afsláttur af dvalargjaldinu af álagstímanum á milli kl. 6:45-7:30. Afsláttur reiknast ekki af fæðisgjaldi. Systkinaafsláttur gildir milli dagforeldra, leikskóla, frístundar fyrir 1. -4. bekk og frístundar fyrir nemendur með fötlun í 5.-10. bekk.
- 4.3. Einstæðir foreldrar greiða lægra gjald eins og fram kemur í gjaldskrá og skal sækja um slíka ívilnun inn á þjónustugátt Akraneskaupstaðar og þarf skila viðeigandi gögnum með umsókn. Foreldri þarf að vera skráð einstætt í þjóðskrá og þarf barn að vera skráð á sama fjölskyldunúmer og lögheimili og umsækjandi um afslátt af leikskólagjöldum.



Akraneskaupstaður

Hefji einstætt foreldri sambúð aftur skal greiða fullt gjald þegar sambúð hefst. Slíti foreldrar sambúð þarf að leggja fram vottorð frá síslumanni og lækkar þá gjald frá næstu mánaðamótum eftir að vottorð berst. Umsókn um afsláttinn skal endurnýja árlega fyrir 15. ágúst.

- 4.4. Námsmenn greiða lægra gjald ef báðir foreldrar eru í fullu námi í framhaldsskóla eða háskóla skv. viðmiðun LÍN. Sækja skal um slíka ívílnun til fulltrúa á sérstöku umsóknareyðublaði í íbúagátt Akraneskaupstaðar. Skila þarf innritunarvottorði frá skóla í upphafi hverrar annar. Einnig þarf að skila vottorði um námsframvindu eða námslok í júní og janúar. Vottorðum skal skila til fulltrúa í fjármálasviðs Akraneskaupstaðar. Skóla -og frístundaráð Akraneskaupstaðar úrskurðar um vafaatriði.
- 4.5. Geti barn ekki sótt leikskóla vegna veikinda í fjórar vikur samfellt eða lengur geta foreldrar sótt um allt að 50% afslátt af leikskólagjöldum. Afsláttur er veittur fyrir þann tíma er veikindi vara gegn framvísun læknisvottorðs sem staðfestir að barnið hafi ekki getað sótt leikskóla. Sækja verður um afsláttinn innan þriggja mánaða frá því að veikindum lýkur.
- 4.6. Gjalddagi leikskólagjalfa er 10. hvers mánaðar og eindagi 5. næsta mánaðar.
- 4.7. Ef um þriggja mánaða skuld eða eldri er að ræða skoðast það sem uppsögn á leikskóladvöl.

5. Ráðgjöf og viðtalsþjónusta

- 5.1. Allar nánari upplýsingar er varða leikskólamál eru veittar á bæjarskrifstofu, Stillholti 16-18.
- 5.2. Við sérfræðiþjónustu fyrir leikskóla starfa sálfræðingar, iðjuþjálfir og talmeinafræðingur. Í sérfræðiþjónustu felst annars vegar stuðningur við leikskólabörn og fjölskyldur þeirra og hins vegar stuðningur við starfsemi leikskóla og starfsfólk þeirra.
- 5.3. Komi upp ágreiningur um framkvæmd þessara verklagsreglna er hægt að vísa málinu til skóla- og frístundaráðs Akraneskaupstaðar.

Þannig samþykkt á fundi skóla- og frístundaráðs Akraness þann 19. janúar 2021

Valgerður Janusdóttir
Valgerður Janusdóttir svíðsstjóri skóla- og frístundasviðs

Leikskólar Akraneskaupstaðar eru:

- Leikskólinn Garðasel, Lerkigrund 9 433-1240 gardasel@gardasel.is
Leikskólinn Teigasel, Laugarbraut 20 433-1280 teigasel@teigasel.is
Leikskólinn Vallarsel, Skarðsbraut 6 433-1220 vallarsel@vallarsel.is
Leikskólinn Akrasel, Ketilsflót 2 433-1260 akrasel@akrasel.is